


**S** **LO**  
Afl. 1.25  
BRIYANDO FUERTE • TRECIENDO CLARIDAD  
DIABIerna 12 APRIL 2024  
*Di Pueblo*

**SOLO SALUD**  
**EMBARASO TA ACELERA**  
**E"HOLOSHI BIOLOGICO"**  
**DI E HENDE MUHE**



[WWW.SOLODIPUEBLO.COM](http://WWW.SOLODIPUEBLO.COM)



[SOLODIPUEBLO@GMAIL.COM](mailto:SOLODIPUEBLO@GMAIL.COM)

## LEONARDO FIGAROA: GOBIERNO MESTER MANDA 2000 TRAHADOR CAS



## CHOLLER CU A VIOLA OTRO CHOLLER CONDENA NA 30 LUNA DI PRISON


## DIOSDADO CABELLO A MENASA OPOSICION: "SI ALGO PASA NICOLÁS, NOS LO BAY ENFRENTA BOSO TUR UN PA UN"



## Fundacion Kapel di Bethania CU TRISTESA NOS KIER A PARTICIPA FAYECIMENTO DI ZR. JUDITH CROES



## JORAN VAN DER SLOOT ATACA DEN SU CEL: 'HENDENAN KIER E MORTO'





## Partido MEP:

# PARLAMENTARIO GERLIEN CROES MESTER BAY CUESTIONA MIKE EMAN Y BENNY SEVINGER!

**Y en bes di ataca Gobierno, bin para na banda di Gobierno den busca  
solucion pa un problema cu e ta co-responsabel p'e**

Partido MEP a tuma nota di un comunicado recien di Parlamentario Gerlien Croes na unda cu el a cuestiona tocante principalmente e 1900 camber di hotel extra cu lo bin na Aruba. Y tambe e parlamentario a muestra hopi preocupacion ken mester wordo teni responsabel pa e maneho pa permiti tanto camber asina na Aruba.

Teniendo cuenta cu Gerlien Croes ta bin di Partido AVP, y tawata parlamentario di AVP e tempo cu e permisionan pa cambernan di hotel a wordo otorga, por conclui cu Gerlien Croes mester wordo teni responsabel pa esaki hunto cu e partido di cua e tawata forma parti e tempo ey. Por lo tanto, Gerlien Croes mester cuminsa pa

cuestiona su mes, su ex-lider Mike Eman, y su ex-colega Benny Sevinger.

Pa cuminsa, tempo cu Gabinete Wever-Croes a drenta Gobierno, a encontra compromisonan haci pa e gobierno anterior, pa construccion di un total di 7000 camber di hotel nobo na Aruba, incluyendo Iberostar. Esaki cu aprobacion di Gerlien Croes. Gerlien Croes a bay di acuerdo pa su gobierno otorga permisionan pa contrui, no 1900, sino 7000 camber nobo di hotel. Por lo tanto Gerlien Croes tambe ta responsabel di e maneho malo aki di su ex-partido politico.

Gabinete Wever-Croes, un gobierno responsabel y cu vision, mirando cu e cantidad aki ta hopi

halto, y pais Aruba no lo por carg'e, a cuminsa cu negociacionnan pa purba na reduci esaki. Algun hotel a bay di acuerdo pero otronan a nenga, di cual ainda e casonan ey ta den corte. Actualmente, gobierno a logra reduci e cantidad na 2000 camber, 5100 camber menos, y lo sigui cu negociacionan pa baha esaki ainda mas.

Den esaki si, no a conta cu ni aprobacion ni elogio di Gerlien Croes, por lo tanto, e no por wordo tuma responsabel di e bon maneho di Gabinete Wever-Croes.

Gerlien Croes a menciona cu e ta preocupa tambe cu RWZI. Pero tempo cu el a aproba 7000 camber nobo, RWZI ya caba tawata un reto grandi. Pero, Gerlien

Croes e tempo ey no a preocupa cu esaki. E no a mira mas leu con 7000 camber lo afecta RWZI. Gabinete Wever-Croes ta busca y haya solucion pa RWZI y den esaki e 1900 tambe ta inclui.

Un cos sigur ta, un parlamentario mester cumpli cu su trabou y cuestiona. Pero den e caso aki, ta bon pa Gerlien Croes cuminsa cuestiona su mes na prome luga, despues e cuestiona su ex-lider, señor Mike Eman y su ex-colega di partido, señor Benny Sevinger, kendenan, cu aprobacion y elogio di Gerlien Croes, a duna permisionan pa construi no 1900 camber extra, sino 7000 camber extra. Gerlien Croes ta co-responsabel den e maneho aki y tur otro maneho



cu a hiba Aruba den mal direccion, pasobra e a yuda AVP bin na mando pa masacra e pais aki.

Partido MEP ta conseha Gerlien Croes pa enbes di ataca Gobierno cu ta trahando pa coregi su erornan y erornan di su ex partido politico, pa para banda di gobierno den busca solucion pa un problema cu e ta co-responsabel p'e!

## LEONARDO FIGAROA:

# GOBIERNO MESTER MANDA 2000 TRAHADOR CAS

Den un comunicado di Leonardo Figaroa, el'a bisa cu Gobierno mester manda 2000 trahador cas. Esaki pa baha gasto di personal. "Gobierno mester reduci su gastonan di personal door di saca 1500-2000 empleado for di sector publico. Crea un social vangnet pa negosha cu sector priva un transicion"

SDP por compronde cu un

gobierno unda Leonardo Figaroa participa aden, mester pone atencion na e punto aki.

Di otro banda, Gobierno di Aruba a informa cu nan a baha e gasto di personal, cu a bini ta bahando desde 2017 den un plan a largo plaso. A logra esaki dor di duna VUT y dor di no tuma hende na trabao, cu excepcion di trabaonan manera polis, aduana,

bewakker na Kia, etc.

E pregunta clave cu Figaroa no a splica ta: Unda e ta cuminsa? Na cual departamento? Y con e ta bay tene e aparato publico pa sigui duna servicio?

Tin ves ta facil pa papia coy loco, of mihor bisa; Ora bo ta pafor di Gobierno, tur cos por!





# Fundacion Kapel di Bethania

## CU TRISTESA NOS KIER A PARTICIPA FAYECIMENTO DI ZR. JUDITH CROES



Elda Edith Croes a nace dia 1 di juni 1945. El a tuma e nomber di Zr. Judith ora el a haci su promesa perpetua na aña 1965 den e congregacion di e Missiezusters Franciscanessen van de Heilige Antonius van Padua, miho conoci como e seournan Fransiscanesnan



di Asten. Na Aruba Zr. Judith a traha hopi aña como enfermera y despues a studia teologia. E



seournan Fransiscanesnan di Asten a yega Aruba dia 5 di februari 1957 pa asina tuma encargo di hospital for di e seournan Dominicanesnan. For di su mesun testimonio

Zr. Judith a bisa cu tabata Zr. Anacleto d.f.m. cu a pone e realisa di su vocacion pa bira un seour. Zr. Judith a fayece trankilo dia 10 di april 2024 na e Missiehuis na Asten,

Hulanda.

Nos ta duna Dios danki pa e bida di Zr. Judith y ta gradici'e pa e trabaonan cu tur nos religiosonan a haci cu amor pa Aruba.


## JORAN VAN DER SLOOT ATACA DEN SU CEL: 'HENDENAN KIER E MORTO'

Joran van der Sloot a wordo ataca siman pasa den prison di Peru caminda e ta deteni pa asesinato. El'a resulta cu golpi y plekki nan blauw. Segun un vocero di e prison, hopi hende kier'e morto.

E motibo di e pelea no ta cla. Van der Sloot ta cumpliendo un sentensia di prision na Peru te na aña 2045.

E hulandes a admiti na fin di aña 2023 cu na 2005 el'a asesina Natalee Holloway na Aruba.

Pa extorsión di su mama el a risibi 20 aña di prision na Merca.



## RELATO ANUAL PRESENTA NA CBS

Den Haag – Den nomber di Minister Plenipotencario di Aruba na Hulanda mr. Ady Thijsen, directora di Gabinete di Aruba mr. Joselin Croes a hasi entrega di e Relato Anual 2023 di Gabinete di Aruba na Oficina Central di Estadistica (CBS).

Sra. Croes ta actualmente na Aruba cu un bishita di trabao.

Alabes a papia riba si un colaboracion entre Gabinete di Aruba y CBS pa collecta data di tur estudiante di Aruba studiando na Hulanda, varios encuestanan y registracion di data.







# Noticia di Corte

## CHOLLER CU A VIOLA OTRO CHOLLER CONDENA NA 30 LUNA DI PRISON

Awe mainta Corte di Husticia a trata e caso penal cu Ministerio Publico a cuminsa contra e homber H. (51), un choller sin lugar di biba. E ta wordo acusa cu riba 19 April 2022, el a viola y maltrata e choller dama P.

SOLO DI PUEBLO por a compronde cu aunke cu H. ta para riba cu e no a viola e dama choller P., kende segun H., ta su pareha, Fiscal si ta hay'e culpabel. El a wordo condena na 30 luna di prison.

### CHOLLER VIOLA Y MALTRATA

Fiscal a acusa H. di violacion y maltrato di e dama P. riba 19 April 2022. Segun H. e no a viola e dama P. El a bisa Hues cu e dama P. ta su pareha. El a desmenti di a maltrata y viola. Hues a bisa cu P. a declara na Polis, cu e tabatin relacion cu H. pero esaki a caba. El a bisa cu dia 19 April 2022, e tabata banda di edificio di AVP na San Nicolas y cu H. a bay riba dje y bis'e cu e kier tin sex cun'e. P. a bisa cu e no kier tin relacion. H. a dal'e varios mokete y a bis'e cu e no ta worry di bay sera. El a penetra P. di patras. E mesun dia P. a bay Polis y haci denuncia. El a wordo hiba Insam, caminda dokter a constata cu e tin un herida patras di su oreja, sla na cara y tabata traumatiza. E dama a bisa cu e ta sinti dolor y inflamacion na su atras.

### CHOLLER TA NENGA

Segun H., e no a haci nada. El a bisa Hues cu te ainda e cu P. ta cu otro y nan tin relacion sexual normal. El a bisa Hues cu riba 19 April 2022, promer di tene relacion, nan a usa crack y na dado momento H. tabata kier mas crack. Door cu H. no tabatin mas crack, P. a rabia. Hues a puntra H. con P. a haya e slanan. H. a bisa Hues cu e no por bisa con P. a haya sla. Segun H., tur dia P. tin relacion cu otro homber. El a bisa Hues cu P. tabatin un homber cu tabata maltrat'e cada biaha.

H. a bisa cu Diaranzon Polis a detene pa e bay Corte. E no tabata sa di nada y cu P. tampoco. H. ta un adicto cu ta biba ariba caya. El a bisa cu e no ta haya placa di Gobierno. El a bisa cu e ta mendiga riba caya na San Nicolas.

Hues a bisa cu H. tin carchi castigo pero e ultimo 15 aña, e no a cay den man di husticia.

### 30 LUNA DI PRISON EXIGI

Fiscal ta haya legalmente proba cu H. a maltrata y viola e dama P. Fiscal a remarca cu H. a bisa cu te ainda e cu P. tin relacion sexual cu otro. Na opinion di Fiscal, ta un hecho cu dia 19 April 2022, H. a viola P. Despues di esaki, P. a bay haci denuncia na Polis y a bay Insam caminda a haci investigacion. Raport medico ta muestra cu P. a wordo maltrata y viola. Fiscal a bisa cu

e no ta kere cu esaki tabata un plan di P. pa denuncia H. Fiscal a bisa cu segun orientacion di casonan di violacion, tin un castigo di 3 aña di prison. El a bisa cu mirando e tempo cu a pasa, el a existi 30 luna di prison y pa detene H. di biaha hiba KIA.

### ABOGADO

Mr. de Sousa a bisa Hues cu e ta laga na Hues pa dicidi riba e hecho. El a bisa cu e ta comparti punto di bista di Fiscal cu hopi tempo a transcuri. Tambe el a bisa pa Hues tene cuenta cu hopi tempo H. no a cay den man di husticia.

### SENTENCIA

Hues a sera tratamiento di e caso y a dicta sentencia di biaha. Hues a bisa cu e ta haya legalmente proba cu H. a maltrata y viola e dama P., aunke cu H. ta nenga. Hues a bisa cu segun orientacion di Corte e castigo ta 3 aña di prison. Hues ta haya e exigencia di Fiscal na su lugar. El a condena H. na 2 aña y 6 luna di prison.

Pa loke ta e exigencia di Fiscal pa detencion di inmediato, Hues a bisa cu e no ta mira motibo pa duna orden di detencion di biaha. Esey ta nifica cu e miembronan di seguridad CEA a djis hiba H. patras y despues lag'e liber.

## Prome Minister Evelyn Wever-Croes:

# SEÑORA ALIDA FRANCIS TA E GEZAGHEBBER NOBO DI SINT EUSTATIUS

Diaranson 10 di Februari señora Alida Francis a huramenta como gezaghebber nobo di Sint Eustatius. Pa prome biaha den historia di e isla un hende muhe ta gezaghebber.

Señora Alida Francis (58) a nace na Sint Eustatius y a studia periodismo na School voor Journalistiek na Tilburg, Hulanda. Señora Francis tawata

Comisionario di Gobierno Interino y desde februari 2021 tawata Comisionario di Gobierno di Sint Eustatius. Prome cu esey, el a traha como senior communicatieadviseur y vocero na Rijkdienst Caribisch Nederland y tambe e tawata directora di Tursimo di e isla.

Cu e nombramento aki e medida di supervision cu desde aña 2018

Hulanda a pone riba Sint Eustatius ta vence y desde awor Sint Eustatius mes ta responsabel pa e gobernacion y e finanzas di e isla.

Prome Minister Evelyn Wever-Croes, den number di Gobierno di Aruba ta manda palabra di felicitacion na Gezaghebber Francis y ta dese'e tur clase di exito.





# DIOSDADO CABELLO A MENASA OPOSICION: "SI ALGO PASA NICOLÁS, NOS LO BAY ENFRENTA BOSO TUR UN PA UN"

E number dos di e gobierno di Chavez, Diosdado Cabello, a menasa oposicion venezolano cu si pa casualidad algo sucede Nicolas Maduro, "Si algo pasa Nicolas, tin seguridad cu nos lo traspasa cualke limite permiti y lo bay enfrenta tur hende un pa un", el'a adverti.

"E gritonan cu nan tin contra e

ley di facismo, pasobra nan mes tabata e mesun hende cu ves tras di ves a acktua contra e espesie humano y a sigui." Nan a haci "guarimbas", intento di golpe di estado, e imperialismo ta kere ku nos a yega aki facil? No, nos a mester lucha, nos sa con pa lucha", el'a bisa.

"E imperialismo norteamerikano a asesina Chavez, no tin ningun

prueba pero tampoco tin duda. Despues e pueblo cu dolor di perde e comandante y e pueblo a sali y a eligi Nicolas Maduro.

¿Nan a laga Maduro un solo dia trunkilo, cu e por bisa mi ta bay bebe un koffie? Sin por pensa riba kico e oposicion por hasi? Ningun solo dia! Nan a trata di asesin'e", el a exspresa.



# GEOFFREY WEVER TA INTRODUCI BARINAN NOBO CU DOBEL CAPACIDAD DEN ORANJESTAD - UN PRODUCCION LOCAL DI "METABOLIC FOUNDATION"

Den un esfuerso pa mehora limpieza y promove sostenibilidad den cuadro di e revitalisacion den e ciudad di Oranjestad, Minister Geffrey Wever conhuntamente cu "Metabolic Foundation" pronto lo introduci un serie di barinan di sushi nobo,

cu tin dobel capacidad di 100 galon cada un pa reemplasa tur e barinan existente den centro di ciudad.

Metabolic Foundation ta un organisacion local dedica na produccion di varios producto for di

plastic cu nan ta colecta y recicla na Aruba. E proyecto aki ta forma parti di e esfuerso total pa revitalisa Oranjestad, cu limpieza como un elemento integral y esencial.

Minister Geoffrey Wever ta pone enfasis riba proyectonan di alto impacto y subraya e importancia di e ambiente y creacion di un economia nobo basa riba e modelo circular. Tur e esfuersonan aki ta destina pa impulsa e economia local, demostrando un vision progresivo y sostenibel pa e futuro di Oranjestad.

Durante un bishita na e tayer di Metabolic Foundation, e mandatario a ricibi un splicacion detaya tocante e proceso di produccion di e barinan di sushi. E barinan nobo, diseña pa sostene un volumen mas grandi di desperdicio, tin como meta pa adresa e deficiencianan di e barinan actual den centro di e ciudad, cu tin capacidad chikito y ta den condicionnan malo, contribuyendo na



un ambiente mas limpi y organisa. E barinan nobo ta traha di plastico colecta y recicla na Aruba.

cu 60,000 Florin den e proyecto aki ta beneficia e pais den conscientisacion y reduccion di desperdicio.

E instalacion di e barinan nobo ta un paso importante pa conscientisa e comunidad tocante e importancia di reciclahe y maneho adecuado di desperdicio. Ademas, e ta refleha e compromiso di gobierno di Aruba pa sostene organisacionnan local den ampliacion di nan capacidad por sigui contribui na maneho di desperdicio riba nos isla. E inversion di mas

E introduccion di e barinan nobo aki ta un paso pa dilanti den direccion di un Oranjestad mas limpi, saludabel y sostenibel, reafirmando e compromiso pa un revitalisacion integral di e ciudad cu no solamente ta mehora su apariencia, pero tambe su calidad di bida y sostenibilidad ambiental, segun Geoffrey Wever.



## SERVICES

- Massage therapies
- Facial treatment
- Hair style
- Pedicure & manicure treatment
- Makeup & waxing

For More Details:

☎ # 5684142 (WhatsApp)

✉ armoniaybellezasalonspa@gmail.com

📍 Shiribana 12 b, Aruba



# Parlamentario Marco Berlis (MEP): PLANIFICACION, CUIDO Y AMOR PA NOS MASCOTANAN TA ESENCIAL

Mi a tuma nota recientemente cu un persona a pone un potret riba facebook di un set di puppies, cu nan a laga bandi caminda den un haula. Un bista masha tristo y lamentabel. E ta muestra cu como comunidad nos tin hopi di siña ainda. E suceso aki no ta uno isola; e sa pasa masha hopi mes cu hende ta bandona pushi y cacho na diferente parti di nos isla pa un of otro motibo. Den mi opinion, ora bo busca un mascota bo mester ta prepara pe den tur sentido. Den tur sentido un mascota ta un miembro di famia nobo. Planificacion y compromiso cu nos mascotanan ta masha importante pa sigura e bienestar di nos mascotanan y pa nos

cumpli cu ley.

## Un Lugar y alimentacion adecua pa nos mascotanan

Planificacion prome cu nos ta adkeri un mascota ta hopi importante. Si e ta un cacho, nos mester tin un cas di cacho pa e por drumi aden, su baki awa y pa cuminda, y su area unda e por cana den cura. Mester percura tambe cu e no por sali foi cura pa asina e no crea disturbio den vecindad. Un mascota ta un compromiso serio y mester tambe zorg pa e cacho wordo baña regularmente y pa e haya su atencion. Si nos scoge pa tin un mascota nos mester realiza cu esaki tambe tin su gastonan cu ne y mester planifica esaki bon den nos presupuesto. Pesey, un bon

planificacion financiero ta un obligacion prome cu nos dicidi di bay adopta un mascota.

## Sterilisa bo cacho of pushi

Den caso cu no ta desea pa tin mas cacho of pushi, ta bon pa steriles'e. Esaki ta un gasto masha chikito mes compara cu si e mascota mester sali na estado y haya yen pushi of cacho. Un cita na cualkier veterinario ta soluciona esaki rapidamente. Sterilisando nos mascota tambe ta asegura cu e poblacion di cacho y pushi riba caya ta keda conteni. E ta demostra tambe cu nos tin un compromiso cu nos mascota y cu nos ta dedica pa dune su atencion, amor y cuidu cu e merece. Ademá di esaki, sterilisa

bo mascota tin beneficio pa su salud!

## No tuma un mascota si bo no ta bay cuide

Tin varios incidente den cual nos por a wak cu e mascota ta desnutri, descuida y priva di su necesidadnan mas basico. Un mascota cu no ta ricibi amor ni atencion pronto lo bira malo, lo sufri y no lo tin un bida largo. Nos mester ta consciente cu e animal tin sentimiento, emocion y un curason manera cada un di nos. Duna cariño y amor ta esencial pa e bienestar di e mascota. Hunto nos por haci e diferencia y contribui na un comunidad cu ta balora y eleva e existencia y derechonan di nos animalitonan. Hunto nos por haci e diferencia



y evita otro incidentenan manera esun di Khaleesi.

Si pueblo desea mas informacion di e articulo aki, contact mi na tel: 528-4639 of email mi na: marco.berlis@parlamento.aw / Bo parlamentario y sirbisor di pueblo na bo ordo semper!

# POLIS Y AMBULANS A BAY PA UN ACCIDENTE CU HENDE HERIDA NA CUMANA



Diaranson mainta a drenta informe di un accidente cu hende herida na Cumana, mesora a dirigi tanto polis como ambulans na e sitio.

Na yegada di e patrulla a bin compronde cu aki ta trata di un accidente pa falta di preferencia. Debi na e impacto 2 persona a

resulta herida.

Na yegada di e ambulans nan a atende e victimanan.



# THE TRIP OF MY LIFE

Dialuna atardi, dia 15 di april, di 6or pa 8or tin apertura di e exposicion di cuadra di Corina Coray, titula ‘The trip of my life’ na Biblioteca Nacional Aruba. Ta presenta un coleccion di 30 obra di Corina Coray den Sala di Exposicion y esaki ta habri henter siman durante orario regular di biblioteca.

‘The trip of my life by

Corina’ ta un actividad pa haci fundraising pa ‘Fundacion Adopt an addict’. Un fundacion cu ta trata na ofrece solucion pa adiccion di droga na Aruba. Ta presenta un ‘biahe fascinante’ cu ta duna un bon bista di e desaroyo artistico di Corina Coray.

Ken ta Corina? Corina ta e artista cu ta presenta e

exposicion. Corina a nace na Basel, Switzerland na 1975. Corina (un Geminis) a nace cu cerebral palsy. E ta hopi sensitivo pa musica y pinta cuadra y cu su talentonan e ta drenta y bira parti di e mundo magico di arte. E ta ekipa cu un spirito bibo y ta bringa pa su desaroyo propio. Su compañera ta su mama cu ta dune guia pa biba un bida rico y

yen como un persona cu limitacion fisico. Awor e ta comparti su obranan cu comunidad demostrando di e manera aki kico ta posibel pa libera bo mes di limitacion y gosa di e libertad di expresion.

Publico ta bon bini na biblioteca pa wak e exposicion.



## POLISNAN PATRUYANDO NA PIA DEN ORANJESTAD A CORE TRAS DI SOSPECHOSO CU ARMA Y DROGA TE CU A GAR'E Y DETENE



Diaranson madruga durante patruya na pia den Oranjestad polisnan a nota un persona cu tin un tas a cuminsa core na momento di a wak polis. Mesora e agentenan a bay su tras y a logra gar'e den coremento e sospechoso a tira e tas den un cura di un cas den Koningstraat. Polis a logra gar'e y a bay recoge e tas y eyden tabata tin un cuchiu y droga polis a confisca e tas y detene e sospechoso pa posesion di droga.

### PROGRAMA FORUM DI TELEARUBA



IMPORTANCIA DI UZO CORECTO DI CHILD CAR SEAT

Diamars, 16 di April 2024

8:30 pm – 9:30 pm

Transmision Live riba Facebook





# MINISTER MADURO DI FINANSA TA PREPARANDO PA PRESENTA E NOTA DI COMIENSO DI AÑA 2024 PA INFORMA PARLAMENTO RIBA E CAMBIONAN DEN PRESUPUESTO 2024

E siman aki Minister Maduro di Finansa a reuni cu Departamento di Finansa pa asina repasa e detayenan di locual ta bira e 'Voorjaarsnota' of 'Nota di Comienso di Aña' den cual Parlamento na comienso di aña caba ta wordo informa di e cambionan den Presupuesto 2024.

Na aña 2023 tabata pa prome biaha cu Minister Maduro di Finansa a haci entrega di un Nota di Comienso di Aña na Parlamento. Te cu aña 2022, nos conoce un 'Najaarsnota,' un 'Nota di Fin di Aña' den cual Parlamento despues

di mitar aña ta wordo informa di e cambionan den Presupuesto. Basa riba e 'Nota di Fin di Aña' Gobierno ta presenta un Presupuesto Suppletorio den cual ta pidi Parlamento aprobacion pa e cambionan si esaki ta necesario.

Pa duna Parlamento un bista mas tempran di e cambionan necesario den e Presupuesto di Pais Aruba, Minister di Finansa a introduci un 'Nota di Comienso di Aña' pa prome biaha na aña 2023. E Nota aki lo keda presenta den e promer mitar di aña y esaki tambe lo por wordo compaña



pa un Presupuesto Suppletorio pa pidi Parlamento aprobacion pa e cambionan. E ultimo aki ainda mester keda dicidi pa Consejo di Minister.

Cu e introduccion di e

'Voorjaarsnota' of 'Nota di Comienso di Aña' den e ciclo presupuestario di nos Pais, Gobierno ta brinda Parlamento informacion presupuestario na mas momento den un aña. Esaki sigur ta yuda e

derecho di 'budgetrecht' di Parlamento di Aruba y ta brinda mas transparencia na Pueblo riba con e fondonan publico ta keda uza pa Gobierno.

# MINISTER URSELL ARENDS A ATENDE PRESENTACION DI RAINWATER HARVESTING

Diamars mainta seis estudiante di Universidad di Utrecht, den colaboracion cu Santa Rosa y Universidad di Aruba a presenta nan proyecto "Rainwater Harvesting", esta coleccion di awasero. E studiantenan a enfoca aribaunsolucion sostenibel pa un di e retonan mas grandi cu Sector Primario ta enfrenta: e falta di awa.

E falta di awa ta un desafio constante pa cunukeronan local, y e solucion pa colecta awa di yobida directo ta presenta un oportunidad pa obtene awa di manera eficiente y sin gasto adicional. Durante nan presentacion, e studiantenan a investiga y discuti varios

metodonan y strategianan pa optimalisa e uzo di awasero. Nan presentacion a resalta e importancia di practicanan sostenibel den maneho di awa, ofreciendo solucionnan cu por mitiga escasez di awa y promove cuido di nos medio ambiente.

Actualmente Aruba tin awa di suelo, grondwater, pa cuater mil persona so cual ta 0,04% di nos poblacion. Esaki ta sin tene cuenta cu e demanda enorme di awa pa e sector turistico. Pues e investigacion ariba coleccion di awacero ta accentua e rol vital cu awa ta hunga pa e desaroyo sostenibel di nos pais, particularmente den e sector primario.



Segun Minister Ursell Arends, encarga cu Sector Primario, “nos isla por transforma su mes di un paisahe di desierto pa un oasis. E iniciativa di rainwater harvesting ta un paso importante den e direccion ey, na un manera sostenibel pa medio ambiente.”

Minister Arends ta extende un palabra di gradicimento na e studiantenan pa nan

esfuerzo, na Santa Rosa pa guia futuro profesionalnan den area di sostenibilidad,

y na Universidad di Aruba pa fomenta colaboracion interinstitucional.

Corte di Prome Instancia 12 april 2024		
Horario	Sospechoso	Acto Castigabel
08.15	A.L.F.	Uitspraak
08.15	M.T.E.	Uitspraak
08.30	E.R.F. J.A.C.	R.F. y C. ta wordo acusa di a viola ley di droga den e periodo di 20 pa 25 di september 2023.
11.15	O.N.T.	T. ta wordo acusa di a viola ley di droga riba prome di december 2023.



# A.T.A., MINISTERIO DI TURISMO Y APA PRESENTE NA SEATRADE CRUISE GLOBAL 2024

## ‘Ta sigui Reforsa e model di High Value, Low Impact’



E presencia di Aruba na Seatrade Cruise Global 2024, ta semper un paso significativo pa fortifica colaboracion den e industria crucero y promove iniciativanan turistico cu e isla tin pa ofrece.

Seatrade Cruise Global ta sirbi como un plataforma prominente pa conecta cu socionan nobo y existente, comparti conocimiento y crea sinergia den e industria. Durante di e evento, Aruba hunto cu representantenan di Bonaire y Curaçao, a

monstra compromiso pa cu inovacion y cresemento sostenibel.

Aruba Tourism Authority (A.T.A.) y Aruba Ports Authority (APA) a lidera reunionnan y interaccionnan impactante cu socionan clave, incluyendo diferente liña di crucero, oficial di Gobierno, y expertonan den e industria. Entre e discusionnan notabel tabata reunionnan, den presencia di Minister D. Oduber y Diputado C. Abrahams, cu representantenan



di Bonaire y Curaçao caminda a subraya riba esfuersonan colaborativo pa cu desaroyo regional.

A.T.A. a participa activamente den un variedad di tayer y sesion caminda cu a toca topiconan di desafio y oportunidadnan clave den e industria pa asina re-afirma dedicacion na tendencia actual y miho practica di e industria di crucero. A.T.A. hunto cu APA a toca discusionnan fructifero cu Florida-Caribbean Cruise Association (FCCA), fortificando ainda mas e posicion di Aruba como un destinacion prominente den mercado di crucero di Caribe.

E delegacion di Aruba na Seatrade Cruise Global a consisti di Patrick Melchior, Monica Bos, Jorgino Willems di Aruba Tourism Authority, y Marc Figaroa, Mario Arends, Rosie Arends di Aruba

Ports Authority, cu a demostranan compromiso, entusiasmo, y dedicacion pa representa e interes di e isla y promove e ofertanan unico na socionan den e industria.

Durante henter e evento, e ‘booth’ di Aruba, den colaboracion cu Bonaire y Curaçao, a sirbi como un hub pa provee informacion, crea conexcion, y promove atraccion y experiencianan unico di e islanan ABC.

Seatrade Cruise Global 2024 ta sirbi como un testimonio firme pa cu e compromiso di promove practicanan di turismo sostenibel, aumenta cresemento economico, y reforsa socionan den e industria crucero, mientras ta ilustra e beyesa y hospitalidad unico di e isla. Tur esaki den línea cu e model di “High Value, Low Impact”.

Tocante Aruba Tourism Authority (A.T.A.)

Desde 1 di januari 2011, Aruba Tourism Authority ta opera como un entidad ‘Sui Generis’. Un organizacion independiente den e esfera publico. Aruba Tourism Authority ta fungi como ‘Destination Marketing and Management Organization (DMMO)’ y ta responsabel pa uni interes turistico entre socionan local e internacional. A.T.A. ta pone hopi enfasis riba e modelo di “High Value-Low Impact” cu ta para pa un balanse entre aumenta e balor economico di e bishitante, posiciona Aruba como un pais desea y sostenibel, y posiciona Aruba como lider di desaroyo como un destinacion. Cu meta pa sigui mantene esfuersonan den linea segun e balanse menciona, y logra aumenta entrada pa medio di calidad di turismo en bes di e volumen cu nos destinacion ta ricibi. Capacidad di carga ta sigui ricibi atencion di parti di A.T.A.



# Wendrick Cicilia: Gobierno actual ta perverti husticia

E ta peligroso pa mira con Minister di Husticia via su ministerio ta activamente instrui of duna instruccion n'e institutonan encarga pa conduci investigacion penal pa fiha prioridad y duna nan instruccion. Esaki nos por deriva di un proces-verbal den un caso penal contra e hoben medio ambientalista Nigel Maduro. E metemento di un Minister di Husticia hunto cu su coordinadornan den e proceso y sistema penal-hudicial ta hopi peligroso. Mas aun cu for di e palabra y tono por percibi cu ta pa motibonan politico e instruccion pa respectivamente persigui erroneamente rumen di un ex-parlamentario di AVP cu pa colmo no tabatin "arte ni parte"

den henter e proceso! E conducta di e Minister di Husticia y su coordinadornan ta mancha e proceso penal-hudicial y ta mina e discrecion di e profesionalnan pa determinan nan propio investigacion y "vervolgingsagenda". E ta un hilaridad cu parlamentario Alvin Molina cu ta bin for di seno policial ta aplaudi e "modus operandi" aki mientras Minister-presidente Evelyn Wever-Croes, Minister di Integridad Ursell Arends ta hinca man nan candela p'e titular di e cartera di husticia den coalicion di MEP-RAIZ.

Refleho di persecucion politico

E conducta di e Ministerio

di Husticia ta discursasha confiansa publico den e obhetividad, imparcialidad y profesionalismo di e sistema hudicial. E ta netamente dañe e proceso di administra nos husticia. Asina Gabinete Wever-Croes II ta perverti husticia. Minister di Husticia, tampoco su coordinadornan tin como tarea pa envolvi nan mes den e sistema penal-hudicial, e tarea di minister ta pa crea e condicionnan y maneho p'e sistema penal hudicial por funciona mas optimal. Purba influencia e sistema pa investiga ciudadano cu ta expresa un menashe cu kisas ta contra e pensamiento di Gobierno di Aruba, no t'e tarea di ningun gobernante. E no ta un secreto cu Minister Rocco Tjon tin varios polis na su disposicion den su ministerio ademas di conoce tur "in and outs" di e Cuerpo Policial uzando nan influencia pa troce husticia y silenciar un movimiento cu a laga nan cara na berguensa. E curashi cu Minister Rocco Tjon tin pa nenga cualkier mal hecho den henter e proceso aki ta muestra di e incompetencia pa por maneha nos cuerpo policial unda varios biaha hasta su mesun ex-coleganan polis a subi caya vocifera rib'e maneho decayente.

No tin luga pa hunga politica

Aruba conoce un sistema penal-hudicial cu ta basa ariba e principio nan di "Rule of Law" pues administracion di husticia



mester ta basa riba ley, sin perhuicio y sin presion politico. Nos sistema penal-hudicial ta enfoca riba investigacion policial-penal, inventarisa hecho y prueba. Persecucion penal ta parti importante di e respectivo autoridadnan. E sistema penal-hudicial ta percura pa esnan cu ta efectua actonan penal y castigabel haya nan sentencia. E proceso mester ta un proceso obhetivo, limpi y imparcial. E hurista Mericano Hans Von Spakovsky lo bisa: "Politics has no place whatsoever in the criminal-justice system".


Maneho di husticia ta fundamental pa tranquilidad den nos comunidad, si no tin tranquilidad y seguridad den nos comunidad avance economico, comercial y social ta imposible. E maneho di husticia mester duna e actornan di husticia manera Cuerpo Policial e confiansa y tranquilidad. Un Minister di Husticia cu ta activa-

mente mete den e proceso penal-hudicial pa motibo nan politico ta un peligro pa nos derecho di estado y no ta inspira tranquilidad y seguridad. Minister Rocco Tjon bo ta fout bezig!

Tocante Wendrick Cicilia

LL. B. Wendrick Cicilia ta un hoben hurista y candidato di Partido di Pueblo Arubano (AVP). Su pasion pa yuda su prohimo a hib'e na ta un di e fundadornan di Tienda di Ley na 2018.

E la gradua na 2019 for di e Facultad di Derecho di Universidad di Aruba. Na 2021 a tuma e curashi y determinacion pa subi e lista berde. Durante e ultimo eleccion Wendrick Cicilia a logra convence 482 ciudadano cu nan voto, perfilando su mes den e top 10 cu mas voto di tur e 29 candidato rib'e lista di AVP. Subi [www.Wendrick-Cicilia.com](http://www.Wendrick-Cicilia.com) pa mas informacion.



## Obituario

Publica serka nos anuncio di fayecimento di bo ser keri.  
Nos tin 2 pakete pa ofrece;

**Pakete 1:** Anuncio di fayecimento te dia cu e defunto ser dera  
Gradimento y invitashon pa misa pa 3 dia Afl 250,00

**Pakete 2:** Anuncio di fayecimento te dia cu e defunto ser dera  
Gradimento y invitashon pa misa pa 3 dia

Na Canal 22 1x prome cu Noticiero 22 Afl 400,00

**Pa mas informashon por tuma contacto cu oficina na**  
**585-9500 of na 741-4554**

## Clasificados



**SOLODIPUEBLO@GMAIL.COM**  
**CEL. 585 9500**






# O.J. Simpson (76) a fayece di cancer di prostat

LOS ANGELES – Conocido personahe Mericano O.J. Simpson, a fayece na edad di 76 aña di canser. Asina su famia a anuncia djahuebs.

E tabata rondona pa su yuinan y nietonan. Na febuari, Simpson a keda diagnostica cu canser di prostat, y tabata den cuidado di hospice durante su

tratamento di quimo. E tabata hopi famoso pa su logronan como hungadro di 'American Football' durante 11 temporada.



Pero e ta mas conoci ainda pa e caso legal unda cu a culp'e pa asesina su ex casa Nicole Simpson na 1994.

El'a sali liber di e acusacion ey, maske den wowo publico, ta keda e percepcion cu te mes a mata su casa riba e anochi ey.

## Polis a detene sospechoso busca pa husticia na Avenida Alo Tromp



Recientemente recherche cu autorisacion di Ministerio Publico a emiti

buske- da y detencion di un sospechoso. Un patruya

atento a tuma nota di su presencia na Avenida Alo Tromp. Mesora nan

a acerke y a detene. E vehiculo di transporte di detenido a bin busk'e y a

hib'e na oficiana di recherche pa asina por continua cu e investigacion.

## Accidente cu hende herida pa falta di preferencia na Hooiberg



Diamars atardi a drenta informe di un accidente cu

hende herida na Hooiberg, mesora a dirigi tno polis



como ambulans na e sitio. Na yegada di e patruya a bin compronde cu un auto a bay subi caminda pero e no a duna preferencia na e auto riba e caminda y nan a dal otro.

Debi na e impacto 2 persona a resulta levemente herida. Na yegada di e ambulans nan a atende ambos victima na e sitio mes.

### MARAVILLAS DE LA FE

**Salud**

**Suerte - Amor**

**Aruba: 748-5671**

**Cartas di tarot**

Bo ta sufrí di un malestar cu bo no por cura?

Bo ta victima di bruheria?

Bo plaka no ya jega?

Bo cumpra numbernan y bo no ta gana?

Bo ta bai casino y no puede tur bo plaka?

Bo tin problemanan di amor?

Bo pareja ta ganiabo?

Fracaso, Soledad, Malesanan angustia, Mala suerte

Comunica na 748 5671

## HOOI FRESCO

A YEGA PA ALF 39,- SO!!!

**TEL: 5941317**

ADDRESS: THE GOLD MINE

RANCH ( MATIVIDIRI 60 )



Prome Minister Evelyn Wever-Croes:

# Ban Proteha Nos Muchanan: REALIDAD TRISTO: 99% DI ABUSO SEXUAL DI MUCHA, E ABUSADO TA FAMIA OF CONOCI!

Desde inicio di Gabinete Wever-Croes na 2017, Gobierno di Aruba ta haciendo tur posibel pa atende cu e problema delicado di abuso y abuso sexual di menor. Pa trece mas conscientisacion ainda den pueblo, Gobierno a decreta luna di april como Luna Nacional Contra Abuso di Mucha. Riba prevencion, ehecucion y conscientisacion, Gobierno hunto cu Comision Nacional di Abuso di Menor, organisacionnan y fundacionnan gubernamental y no gubernamental, ya a tuma diferente accion pa yuda preveni y combati e crimen grave aki contra nos muchanan.

Sinembargo, e ta un berdad hopi tristo cu e problematica aki ta cuminsa hopi cerca di cas mes, di esnan hopi cerca di un mucha. For di un estudio haci, ta alarmante e cifra y informacionnan obteni di casonan di abuso di mucha. 99% di casonan na unda muchanan ta wordo abusa sexualmente, ta wordo abusa door di personanan cu e victima conoce. E por ta un amigo di cas, of amiga of amigo di mama y tata, pareha nobo, door di omo, door di welo, of padrastro. Esakinan ta personanan cu ta cerca di e muchanan y kendenan e muchanan ta confia. Personanan kendenan a mayornan a confia pa laga nan yiunan den nan cuido.

Esaki ta un indicacion fuerte cu e problema mas serio no ta ley, Gobierno of hues. E problema mas


















serio ta den famia. Eynan nos mester enfoca. Eynan Gobierno no por drenta facilmente. Esey ta responsabilidad di cada famia, di cada persona cerca di e mucha cu e mucha ta confia. Por cambia tur ley pero si den famia e abuso sigui te hasta wordo permiti y tolera, nos ta sigui faya nos muchanan. Y ta hunto so nos lo preveni y combati e crimen aki contra nos menornan inocente.

“Nos mester confronta e berdad aki, aunke cu e ta incomodo y delicado. Abuso hopi biaha ta socode door di personanan di confiansa, personanan cu mester ta esunnan cu mester brinda proteccion na nos muchanan. Nos por cuminsa pa evita 99% di e casonan aki door di wak miho cu kende nos ta

laga nos yiunan y reconoce señalnan den e mucha of den esnan cu ta wak pa e mucha. Door di ta consciente, acepta loke ta pasando, y door di accionnan preventivo, nos por traha pa un futuro caminda cada mucha ta crede den un ambiente liber for di e garan di abuso. Nos muchanan merece miho”, Prome Minister Evelyn Wever-Croes a expresa.



 <div>Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 11 April 2024 Merdia</div>	
<div><div>Sorteo # 4235</div><div>0402</div><div>8278</div><div>5535</div><div>X3</div><div>Sorteo # 4235</div><div>7723</div><div>X2</div><div>Sorteo # 2291</div><div>8097</div><div>Sorteo # 4235</div><div>4090</div><div>Capricornio</div><div>Sorteo # 1105</div><div>909</div><div>X2</div></div>	<div><div><div>Sorteo #</div><div>0 x Jackpot</div><div>0 x Match 4+</div><div>0 x Match 4</div><div>0 x Afl. 12,00</div></div><div><div>Joker</div><div>Letter</div><div>Proximo Jackpot</div><div>200.000,-</div></div></div> <div><div><div>Sorteo #</div><div>0 x Jackpot</div><div>0 x Match 4</div><div>0 x Afl. 8,00</div></div><div><div>Proximo Jackpot</div><div>53.000,-</div></div></div> <div><div><div>Sorteo #</div><div>0 x Jackpot</div><div>0 x match 4</div><div>0 x Afl. 500,00</div><div>0 x Afl. 50,00</div><div>0 x Afl. 15,00</div></div><div><div>Mega Ball</div><div>Proximo Jackpot</div><div>350.000,-</div></div></div> <div><div><div>Afl. 450.000,-</div></div><div><div><div>Sorteo #</div></div><div></div></div></div>





# HOROSCOPO

12 di april 2024

Horoscopo 12 di april 2024

Feliz y productivo diabierna. Awe Solo di Pueblo ta presenta bo horoscopo pa 12 di april 2024.

## Aries

Lo forma bon amistad durante un reunion rutinario. Reserva algun placa pa regala bo mes algun capricho. Bo esfuersonan laboral lo wordo recompensa. Molester leve di bo blaas of riñon. Number di suerte: 94, 75, 4.

## Tauro

Gran necesidad pa duna y ricibi afecto. E margen financiero lo permiti bo haci cierto compra. Tene cuidado, algun compañero kier briya riba bo custia. Den cuestion di salud, tur cos ta den perfecto condicion. Number di suerte: 42, 49, 4.

## Geminis

Duna propicio na algun aventura amoroso. Si bo no kier pasa den preta bo mester cuminsa spaar. Bon dia pa realisa entrevista y cera deal. Kieromemento den aire liber semper ta bon. Number di suerte: 12, 51, 3.

## Cáncer

Bo lo bay ta hopi pendiente di bo famia. Un famia lo duna bo bon noticia economico. Lo bo tin discusion cu bo compañeronan cu tin diferente criterio. Bo por bira deprimi pa motibo di algun ser stima.

Number di suerte: 76, 28, 6.

## Leo

Dia perfecto pa un cena romantico. Bo ta hiba un bida riba bo posibilidadnan economico. No bula di un trabao pa otro cu indecision. E sentido di humor ta bo miho arma contra stress. Number di suerte: 82, 25, 6.

## Virgo

Disposicion afectivo encantador. Den lo economico, bo ta enfrenta obstaculo importante. Cuminsa un etapa nobo hopi enriquecedor na bo trabao. Lo bo recupera e vitalidad y optimismo cu bo tabata falta. Number di suerte: 91, 79, 8.

## Libra

Aclaria bo sentimentonan pa no haci ningun hende daño. Excelente momento economico. E trabao nobo ey lo horta bo oranan di soño. Trankilisa bo p'e bienestar di bo salud. Number di suerte: 18, 28, 5.

## Scorpio

Esforsa pa bolbe mira un amigo di pasado. Bo economia lo mehora notablemente. Lo bo tuma decision inoportuno den bo trabao. Awe ta un dia pa bo disfruta di bo energia-

nan. Number di suerte: 45, 25, 6.

## Sagitario

Den bo relacion afectivo, sea mas generoso. Bon momento pa resolve problema economico. Ta spera bo hopi novedad na trabao. Trastorno intestinal chikito. Number di suerte: 66, 73, 4.

## Capricornio

Gran momento pa amistad intenso. Oportunidad nobo pa logra obhetivo financiero. E cambio di shift ey na trabao lo ta pasahero. Cuida bo mes di e verkoud ey p'e no bira pio. Number di suerte: 24, 48, 8.

## Acuario

Sea mas obhetivo pa bo amornan funciona. Problema economico. Bo mester tuma un decision importante den bo trabao. Reforsa bo sistema inmunologico. Number di suerte: 16, 17, 1.

## Piscis

Bo pareha lo haci bo mas caso y esey lo encanta bo. Limita bo gastonan si bo no kier tin problema economico. E consehonan di bo coleganan lo yuda bo den bo proyecto. Stress lo manifesta den forma di dolor di cabes. Number di suerte: 24, 52, 8.

## Polis a yuda turistanan burachi yega nan hotel ya cu ningun taxi ta transporta nan



Diaranson madruga a drenta informe di cu tin algun turista burachi cu no por a regresa nan hotel ya cu ningun taxista ta risca hiba hende burachi den nan taxi. Peor aun despues di cu un di nan tabata asina intoxica cu mester a bay

den ambulans pa hospital. No a polis nada otro cu hibanan den e vehiculo di transporte di detenidonan pa nan hotel na Oranjestad. E turistanan a keda hopi agradecido na e polisnan cu a yuda nan yega nan hotel.

**PUEBLO A HAÑA SU PEN BEK**

Pa kualkier informacion  
solodipueblo@gmail.com  
of  
585-9500

**Clasificados**

CLASSIFIEDS

**SOLODIPUEBLO@GMAIL.COM**  
**CEL. 585 9500**

**SOLO**  
Di Pueblo

**LEY CU TA LIMITA UZO DI PRODUCTIONAN DI TABACO**

**PROTEHANDO SALUD PUBLICO**

**6** Ta prohibi pa bende of duna productionan di tabaco na personanan bou di 21 aña

**SOLO**  
Di Pueblo

**HALA ROSEA LIBREMENTE**





# Embaraso ta acelera e "holoshi biologico" di e hende muhe



Fertilidad halto y embarazo por tin efecto negativo den salud di hende muhe y ta acelera su embehecimento, un investigacion realisa p'e cientificonan di Scol di Salud Publico Mailman di Universidad di Columbia, a sugeri

E estudio, caminda cu 1.735 hoben Filipino di ambos sexo a participa, a muestra cu e muhenan cu tabata na estado tabata parce biologicamente mayor cu esunnan cu nunca tabata, mientras cu esunnan cu a sali na estado mas biaha tabata parce biologicamente mas bieu cu esunnan cu a declara di a sali na estado den menos ocasion, un articulo di e universidad a señala.

Tambe, e cantidad di embarazo cu e pareha di e hombernan no a tene cuenta algun cu nan edad

biologico, ta algo asocia cu embarazo of lactancia loke ta acelera e embehecimento biologico.

E resultadonan a wordo alcanza danki na un conhuntito di herment nobo cu emetilacion di DNA ta uza (DNAm) pa studia diferente aspecto di embehecimento celular, salud y e riesgo di mortalidad. E instrumentonan aki, denomina "holoshi epigenetico," a permiti e investigadonan analisa e embehecimento den etapa mas trempan di bida,

yenando un bashi den e conocimiento riba e embehecimento biologico. En efecto, prome no tabata sa si e costo di e reproduccion por a presenta prome cu e malesanan y e declive propio di e edad.

"E holoshinan epigenetico a revolucionar e forma cu nos ta studia embehecimento biologico a lo largo di bida y ta habri oportunidad nobo pa studia con y ki ora ta afiansa e costonan den salud a lo largo di e bida y ta habri oportunidad nobo pa studia


con y ki ora ta afiansa e costonan den salud a lo largo plaso di e reproduccion y otro evento di bida," Calen Ryan, autor principal di e trabao, publica den e revista PNAS, a señala.

"Nos hallazgonan ta sugeri cu embarazo ta acelera embehecimento biologico y cu e efectonan aki ta evidente cerca hende muhe hoben cu fertilidad halto," el a sostene.

E relacion entre e historial di embarazo y e edad biologico a mantene hasta despues di a tene na cuenta otro factor vincula na embehecimento biologico,

manera e nivel socioeconomico, tabakismo y variacion genetico, cu no tabata presente cerca hende homber.

No obstante, Ryan tambe a pone den contexto di su descubrimientonan. "Hopi di e embarasonan informa den nos midimento di referencia a sosode mas laat durante adolescencia, ora cu e hende muhenan ainda ta creciendo. Nos ta spera cu e tipo di embarazo aki ta particularmente dificil pa un mama den crecimiento, specialmente si su acceso na atencion medico, e recursonan of otro forma di sosten ta limita,"



	3					5	6	
1			6					
		5	8			9	1	
9								
								5
	8	1			2	3		
					9			2
	5	9					4	

	7			2			4	6
	6					8	9	
2			8			7	1	5
	8	4		9	7			
7	1						5	9
			1	3		4	8	
6	9	7			2			8
	5	8					6	
4	3			8			7	



**STICHTING  
BLOEDBANK  
ARUBA**

**BO SANGER  
TA SALBA BIDA!**

☎ 587 0002  
f StichtingBloodbankAruba

Registra pa bira donante na [www.bloedbankaruba.aw](http://www.bloedbankaruba.aw)



Parlamentario Alvin Molina (MEP):

# RWZI ta un problema serio

## ‘When manure hits the fan’

‘Manure’! Un substancia generalmente indesea cu tur pais mester deal cu ne. Si no haci esaki na un manera responsabel e por tin consecuencia negativo pa nos salud, medio ambiente y economia.

Awa di riolering, Riool WaterZuiveringsInstallatie (RWZI) ta un problema na Aruba. Di otro banda, nos ta mira cu tin scarsedad di awa pa agricultura, cual ta un otro problema na Aruba. Dos problema serio, mientras ambos por ta un solucion pa e otro, uzando un bon sistema di filtracion.

Ken ta responsabel pa busca un solucion pa e problema aki? Segun ley ( Landsverordeing Instelling Ministers ) ta e Minister di Naturalesa tin esaki den su cartera. E mesun minister ta responsabel pa proteccion di naturalesa y promocion di agricultura. Un combinacion di topico



cu e minister mes a boga p’e durante formacion di gobierno. Awe, dos aña y mey den gobernacion, nos ta tende cu nos Minister di Naturalesa a tira e serbete

den ring y kier pasa awa di riool den man di Minister di Energia. Ta di lamenta cu esaki a bira necesario, mientras cu por a siña di e profesionalnan local y

internacional con pa uza e awa segunda mano na bi- enestar di e agricultor. Pa pueblo no ta haci un diferencia cua minister ta encarga pa deal cu awa di

riolering. A bira tempo si pa e minister presenta un plan aceptabel of laga otro hacie, no te momento pa hunga tref. ‘Get your manure together’!

# POLIS A DETENE YIU CU A LANTA CONTRA SU MESUN MAMA TE CU COS A BAY FOR DI MAN



Diamars atardi a drenta informe di cu un yiu a lanta contra su mama na Tanki Flip, mesora a dirigi um patruya na e sitio.

Na yegada di e patruya a bin compronde cu un yiu a lanta contra su mama y te hasta cosnan a bay for di man.

Polis a atende e asunto y a hala atencion di e yiu y a detene pasobra cosnan a bay mucho leu





# ARUBA ONE HAPPY ISLAND LIONS CLUB Y FRIENDS OF LIONS A ORGANISA OTRO EXITOSO PROYECTO TAYO RIBA MESA PA FAMIANAN DEN NECESIDAD

Danki na tur instancia y persona cu a brinda nan cooperacion!



Recientemente Fundacion cu Friends of Lions a organisa e prome "Tayo riba Mesa", pa aña 2024. Esaki


ta un proyecto den cuadro di e programa di Lions International "Hunger Relief", caminda danki na e sosten di comunidad y Friends of Lions ta yuda famianan den necesidad. Riba e diasabra di e evento un total di 522 persona procedente di famia di menos recurso a ricibi nan cuminda di merdia te na nan porta di cas. Esaki tabata posibel danki na e cooperacion y contribucion ricibi di amigonan comerciantenan, voluntarionan di Cruz Cora, voluntarionan di Fundacion Pa Nos Comunidad, amigonan Lions, y Miembronan Aruba One Happy Island Lions Club. Pa medio di e comunicando aki nos kier a gradici tur instancia, compania y persona cu a ofrece nan cooperacion y aporta cu donacion, cu producto y transporte pa asina esaki por a resulta un exito. Un danki special ta bay na Mederi NV, Nagico Aruba, Ecotech, Gen Air, Lucky Store, La Cabana Resort, Capital Partners, DHL, ITP Caribbean, Rimireal One Nv, ADSUM, Loco Lobo, My Computer, Aruba Sea Scape, Hunter Security, Seasons, Renaissance Hotel, Gianni's Group, IBS, Utilities NV, Mandara Spa, De Palm Corporation, Riu Hotel, Old Cunuco House, Diamonds International, Excelencia Catering y tur otro cu a brinda nan ayudo y cooperacion y ta desea di keda anonimo.

Proximamente nos lo sigui organisa Tayo Riba



Mesa, e siguiente lo tuma lugar dia 25 di mei pa asina sigui yuda esnan den necesidad. Un biaha mas masha danki na un y tur! 10042024

## ORACION DI DIA




Un dia fructifero colma cu e bendicion y forza di ariba y yena cu Spirito Santo

"Pasobra esun cu Dios a manda ta papia palabra di Dios; pasobra Dios ta dun'E Spirito Santo na abundancia." Huan 3, 34

Dios a manda Hesus pa siña cada un di nos con nos mester biba. Cu nos mester kere y obedece Dios. Kere den Esun cu Dios a manda, acept'E y respet'E. Ta berdad cu nos ta biba riba e mundo aki pero nos no ta pertenece na e mundo aki. Nada di e mundo aki por duna nos e felicidad berdadero. Solo Dios por haci e hende feliz. P'esey laga nos haci nos maximo esfuerso pa agrada Dios y biba di acuerdo cu Su santo boluntad.

Ban pidi Dios pa prepara nos pa ricibi Esun cu E lo manda for di shelo pa nos mescos cu E la baha riba Hesus riba dia di Su bautismo cu ta e Spirito Santo di Dios. E ta Esun cu ta yuda nos y siña nos loke ta e berdad pa nos keda pertenece na Su reino y nos por ta e testimonio cu ta confirma cu Dios semper ta e berdad. Door di esey nos ta haya un bida nobo hunto cu Hesus cu a resucita canando riba e caminda di bida eterno. E unico caminda, berdad y bida cu ta hiba nos na salvacion.

Oracion: Tata Celestial duna nos e gracia pa acepta, kere y respeta Bo Palabra. Laga Bo Spirito Santo por baha riba nos y duna nos e uncion cu semper Bo tin warda pa nos. Amen.



### PRONOSTICO DI TEMPO

VALIDO TE DIABIerna 12 DI APRIL 2024, 18:00 ORA

TEMPO:  
AWE TARDI Y AWE NOCHI: PARCIALMENTE NUBLA  
Y GENERALMENTE SECO  
DEN MARDUGA Y MAYAN: PARCIAMENTE NUBLA CU UN AWACERO PASAJERO

TEMPERATURA MAXIMO 33 GRADO CELSIUS  
TEMPERATURA MINIMO 27 GRADO CELSIUS  
INDICE DI CALOR (HEAT INDEX) DEN Y ROND  
DI ORANAN DI MERDIA: 34 PA 39 GRADO CELSIUS  
UV INDEX: 12

**AVISO/ ALERTA:**  
TA SUGERI OCUPANTENAN DI BOTO CHIKI-TO PA BAI  
CU CAUTELA NA PARTINAN OOST TE NOORDWEST DI COSTA.

PRONOSTICO DI TEMPO PA PROXIMO 3 DIANAN:  
PARCIALMENTE NUBLA SIN AWACERO DI IMPORTANCIA.  
BIENTO LO TA MODERA TE BASTA FUERTE FOR DI DIRECCION OOST; FUERTE TE DURO DEN RAFAGA.  
TEMPERATURA (GRADO CELSIUS) MAX / MIN LO TA: 33 / 27